



-Komunalno, sanitarno i vodoprivredni inspektor-

Broj: 06-33-6-5758/21

Maglaj, 20.12.2021. godine.

**OPĆINSKO VIJEĆE
MAGLAJ**

INFORMACIJA

o provedenoj obaveznoj preventivnoj sistematskoj deratizaciji
na području općine Maglaj – jesenja faza 2021. godine

Na osnovu Programa provođenja obavezne preventivne sistematske deratizacije na području Zeničko-dobojskog Kantona 2021. godine (proljetna i jesenja faza), a u vezi sa članom 10. tačka 5. Zakona o zaštiti stanovništva od zaraznih bolesti („Službene novine F BiH“, broj: 29/05), Naredbe o provođenju obavezne preventivne sistematske deratizacije na području općine Maglaj – jesenja faza 2021. godine, načelnika općine Maglaj, broj: 06-45-1-5333/21 od 29.11.2021. godine, provedena je jesenja faza deratizacije za 2021. godinu.

Deratizacije je provedena po Programu provođenja preventivne sistematske deratizacije - jesen 2021. godina – općina Maglaj broj: 02-3357/21 od 22.11.2021. godine, donesena od strane JU Institut za zdravlje i sigurnost hrane Zenica, koji je bio i izvođač deratizacije.

U skladu sa navedenom Naredbom općinskog načelnika obaveznu preventivnu sistematsku deratizaciju, kojom su obuhvaćeni objekti i površine u vlasništvu Općine, odnosno kojima upravlja općina, ista je provedena po Programu provođenja preventivne sistematske deratizacije - jesen 2021. godina – općina Maglaj, broj: 02-3357/21 od 22.11.2021. godine, a koja je donesena od strane JU Institut za zdravlje i sigurnost hrane Zenica u periodu od 06.12. – 14.12.2021. godine.

Prije početka, kao i tokom izvođenja deratizacije, putem sredstava javnog informisanja, građanstvo je informirano o predstojećoj akciji i njenom značaju.

Proljetna preventivna sistematska deratizacija izvedena je antikoagulantima rodenticidima II i III generacije visokog učinka.

Pregled materijala - otrova i utrošak istih na općini Maglaj za izvođenje deratizacije kojom su obuhvaćeni objekti i površine kojima upravlja Općina Maglaj kao i obim izvođenja iste je naveden u tabelama:

**IZVJEŠTAJ REALIZACIJE PREVENTIVNE SISTEMATSKE DERATIZACIJE U JAVNOM
SEKTORU U OPĆINI MAGLAJ PROLJEĆE 2021. GODINE**

| RB | OBJEKTI | Ukupno |
|----|---|--------|
| 1 | Javne i zelene površine u pojasu naselja sa koncentriranim stanovništvom (gradska naselja) | Da |
| 2 | Nezvanična (neorganizirana) odlagališta otpada - smetljišta | Da |
| 3 | Objekti gradskih/općinskih javnih zdravstvenih ustanova sa pripadajućim vanjskim površinama | 26 |
| 4 | Gradske/Općinske institucije i njihove ispostave sa pripadajućim vanjskim površinama | |
| 5 | Individualne stambene objekte u privatnom vlasništvu u užim zonama gradskih naselja | 604 |

1. Evidencija utrošenog materijala

| RB. | Općina | Datum | MEKI MAMAK bromadiolon 10g (kg) | PARAFIN 20/25 g (kg) | Termo namaz | KARTONSKE KUĆICE (kom) | SEKTOR |
|-----------------------|---------------|--------------------|---|----------------------------|-----------------|------------------------------|---------------------|
| <u>1</u> | <u>Maglaj</u> | <u>06.12.2021.</u> | <u>30,00</u> | <u>45,00</u> | <u>-</u> | <u>200</u> | <u>JAVNI</u> |
| <u>2</u> | <u>Maglaj</u> | <u>07.12.2021.</u> | <u>35,00</u> | <u>40,00</u> | <u>-</u> | <u>100</u> | <u>JAVNI</u> |
| <u>3</u> | <u>Maglaj</u> | <u>08.12.2021.</u> | <u>35,00</u> | <u>35,00</u> | <u>-</u> | <u>50</u> | <u>JAVNI</u> |
| <u>4</u> | <u>Maglaj</u> | <u>09.12.2021.</u> | <u>30,00</u> | <u>35,00</u> | <u>-</u> | <u>50</u> | <u>JAVNI</u> |
| <u>5</u> | <u>Maglaj</u> | <u>10.12.2021.</u> | <u>10,00</u> | <u>32,00</u> | <u>-</u> | <u>210</u> | <u>JAVNI</u> |
| <u>UKUPNO:</u> | | | <u>140,00</u> | <u>187,00</u> | <u>-</u> | <u>610</u> | <u>JAVNI</u> |

Podaci navedeni u tabelama dobiveni su iz Instituta za zdravlje i sigurnost hrane Zenica.

Mamci su postavljani prema normativu za provođenje preventivne sistematske deratizacije za 2021. godinu, a koji je rađen prema vrsti, namjeni objekta, strukturi područja i prema sanitarno – higijenskom stanju objekta.

Obaveznom preventivnom sistematskom deratizacijom su obuhvaćeni dole navedeni objekti i površine za koje troškove deratizacije snosi općina Maglaj iz svog budžeta, obzirom da istim upravlja tj. čiji je vlasnik:

1. Javne i zelene površine u pojasu naselja sa koncentrisanim stanovništvom (gradsko naselje).
2. Nezvanična (neorganizovana) odlagališta otpada (smetljišta),
3. Objekti općinskih javnih zdravstvenih ustanova sa pripadajućim vanjskim površinama.
4. Općinske institucije i njihove ispostave sa pripadajućim vanjskim površinama.
5. Individualni stambeni objekti u privatnom vlasništvu u užim zonama gradskih naselja, (obuhvatajući: podrumne, tavane, magacioni prostor, dvorišta, smetljarnike, garaže, otvorena i zatvorena odlagališta otpada, te pripadajuće površine kao što su dvorišta i parkovi).

Kontrolu provođenja preventivne sistematske deratizacije u skladu sa Naredbom općinskog načelnika vršio je općinski sanitarni inspektor.

U organizaciji Instituta za zdravlje i sigurnost hrane Zenica deratizacija – jesenja faza provedena je prema Programu provođenja preventivne sistematske deratizacije (jesenja faza) u 2021. godini za sedam dana. Pri izvođenju deratizacije nije bilo problema. Subjekti koji podliježu provođenju obavezne preventivne deratizaciji nisu ometali rad angažovanom osoblju.

Prije početka izvođenja deratizacije, kao i svaki dan tokom izvođenja iste, vršena je kontrola pomoćnog materijala (akreditacija, zaštitna radna odjeća, maske, mantili i rukavice), opreme za rad (kartonske kućice, kartonske tacne, kanap) potom kontrola otrova. Sve ekipe su posjedovale akreditacije za rad i kopije Naredbe načelnika općine o provođenju obavezne preventivne sistematske deratizacije – jesenja faza 2021. godine.

Glodavci (kućni miš, smeđi štakor, crni štakor) su opasnost u nanošenju ekonomske štete (konzumiranje, onečišćenje i oštećenje sirovina, gotovih proizvoda, ambalaže i drugih predmeta i instalacija). Zdravstvena indikacija - jer su mogući prirodni rezervoari i prijenosnici zaraznih bolesti. Iz navedenog u toku trajanja akcije deratizacije sugerisane su lokacije na koje su „bačene“ veće količine otrova, a to su uglavnom obale površinskih voda druge kategorije - na lokacijama prolaska kroz naselja, tj. u blizini kuća, u naselju Poljice – površina između puta M -17 i rijeke Bosne, skladišni prostor objekta „Silos“... a što je i prihvaćano od strane koordinатора izvođenja deratizacije. Takođe i građani su se uključivali u akciju na način da su ukazivali na lokacije koje je poželjno tretirati otrovima iz predostrožnosti.

Na lokacijama izvršene deratizacije, na za to dozvoljenim, vidnim površinama postavljane su naljepnice i obavijesti o izvršenoj deratizaciji. Prilikom postavljanja svježih mamaka uklanjani su stari, iz prethodne akcije, ukoliko se na njih nailazilo.

Obzirom na naprijed navedeno može se konstatovati da je obavezna preventivna sistematska deratizacija na području općine Maglaj - jesenja faza 2021. godina, naložena Naredbom načelnika općine, broj: 06-45-1-5333/21 od 29.11.2021. godine, uspješno obavljena.

Dostavljeno:

1. Naslovu,
2. Služba za privredu, finansije i razvoj poduzetništva,
3. Institut za zdravlje i sigurnost hrane Zenica,
4. a/a.

M.P. Komunalno, sanitarno i vodoprivredni inspektor
Merima Mahmutović

